



王布政集



光緒八年八月刻

王布政集



余以雍正乙卯登賢書乾隆丙辰成進士其時春秋試俱  
專用制藝校士故余習舉子業日丹黃盈案率皆帖括家  
法程固無暇旁及於詩迨授任小銓又鞅掌於簿書期會  
間更不敢妄談清雅有曠厥官以是詩之爲道余實未嘗  
夢窺一斑何庸飾語以欺人哉獨是廿餘年來厯官吏部  
御史臺及比部所遇之同曹鉅卿碩彥極一時之盛珠玉  
警咳以荒陋如余廁身其間亦漸爲劉安雞犬不自覺其  
頓忘塵埃也長安退食取家漁洋司寇帶經堂諸集諷誦  
不忍釋手花朝月夕焚香煮茶偶一效顰僅取自適而已  
初不萌就正有道想乃一二朋儕有微知余之爲詩者苦

王布政集序

欲索觀謬蒙借譽遂自茲不獲藏拙而覆瓿紙費矣歲壬  
午遠官滇南遐荒萬里所守蓮郡其地山川弁鄙民物謏  
劣惜無可被之聲詩者顧吾輩讀書人胸中邱壑腕下烟  
雲則今日一吟一詠亦簷鵲砌蛩鳴不擇時與地者歟若  
以云詩則吾豈敢乾隆癸未秋八月顯緒記

王布政集

燕山小草

詩一百四十五首

蓮城集

詩一百六首

春桂錄

佚

山左詩續鈔

公諱顯緒字維彰號芝巖別號閏軒

福山縣人乾隆丙辰進士官安徽布政使司著有春

桂錄蓮城集燕山小草

王布政集卷一

漳浦蔡文恭公傳公博涉經史務為有用之學座主

高安朱文端公甚器重之大金川用兵建言以番制

番宣諭諸土司使自統土兵搗其巢穴所得土地人

民悉以賜之解散其黨自當懼而改圖奏入 特命

軍機大臣傳示經略斟酌行之詳載金川方略公任

秋曹將十年有于張之稱再總臬事多所平反



燕山小草

福山王顯緒閏軒著

小春口占

碧天雁盡小春陽  
晝短堆書恰滿床  
齋菊霜花餘絳紫  
鄰槐風葉半青黃  
媚人誰覺東施陋  
傲物偏知北阮狂  
駒隙無多嗟浪擲  
滌盪聊泔水沉香

除前二日署中齋宿詠懷

珍重風霜謫後身  
白雲五度易秋春  
髮頽漸企馮郎老  
心熱猶堪管子貧  
遷樹谷鶯喧好景  
知途棧馬抱餘辛  
一官盤錯深深幸  
時傍慈航得問津

王布政集卷一

同學少年多不賤

書床兀坐對秋風  
靜憶朋簪轉白雄  
松竹尙容開晚徑  
杏桃何獨占春叢  
黑頭拚向黃塵盡  
青眼嗟從白雪空  
只我長年仍錯折  
蘄門無語送飛鴻

喜楊春亭進士得第

辰陽象勺兩童年  
華髮相逢共黯然  
輸我含香成老吏  
看君摘藻證新仙  
經心吳越閑風雨  
過眼滄桑舊月烟  
談洽歡生重把臂  
荒雲殘樹說龍泉

和申笏山飲劉蘭陔家賞洋菊韻

漫追春草羨西堂

主人昆季並京職

酒熟黃花逐醉忙  
秋色種奇

原足愛晚香容淡亦何傷鴛鴦錦翼芙蓉沼蛺蝶珠鬚薛

荔墻鴛鴦夾蝶皆花名之尤者賺有詩人吟不輟壁箋狂興傲新霜

醪醑盃筍玉無瑕秋老南山綻異葩笑口樊川吟更好醜

顏彭澤飲尤佳霞嬌前度劉郎樹花有桃花色而主人弟四郎新續絃故云雪

艷他山謝女花又名青山掛雪萬國梯航通此日佛齊難向西

誇佛齊西洋國名花多異種四時皆春洋菊卽彼地所產

### 十六夜聞雁

燈事闌珊薄醉身一聲嘹唳聽來真正憐冷艷推梅婢又  
看淒清到雁臣湘水應閑鸞月客燕山重顧望雲人逐涼  
知向松花去聊此迴翔 帝里春

王布政集卷一

### 秋窗

無聊點筆倚秋窗畏冷吳楓白月江半笏松烟盤鉄硯一  
簾蘭篆撲銀釭詩成澁韵來飛雁漏轉丁籌雜吠厖時已四鼓  
聞近巷渴欲思茶尋侍婢錦屏雲髻正相撞

### 春日寄懷紹聞弟

幸有家聲著海溟好沾餘潤及身馨鴿原客繫春耕雨驄  
路人披早謁星叉手池塘曾夢草兜心書舍共囊螢流光  
如瞬應須惜慎毋輕拋袖裏經

### 暮春王園讌集卽事

南郊卜晝暢清游脫畧襟裾笑馬牛尋蝶芳藤憐妙舞聽

鷓深柳昵新謳詩情磅礴當山閣酒興淋漓近水樓暫避  
長安塵十丈陌頭金勒又鳴騶

重陽

九日臨風笑捉襟數叢幽菊綻黃金喜緣令節恣休沐快  
趁高秋得放吟小阮深狂空蠟屐老陶新樂不囊琴驚心  
偏有涸來雁早挾寒雲到上林

送法南楚歸膠西

聚散渾如浪打萍心交別後正多情連床風雨須重訂盈  
袖烟霞羨此行海上珠山君樂國塵中雲署我愁城陶然  
一幅看圖畫二十年來醉眼明

四

王布政集卷一

四

鎖印

朝來鎖印白雲司終歲辛勤詠素絲已愧壯謀全北轍還  
欣春信又南枝經綸暫束蕭何律心跡同拈杜甫詩漫說  
高才工折獄無情誰復辦新詞

燕坐

四壁寒生燕坐軒鬚冰肌粟亦忘言豐貂都盡千金爍做  
縕猶存百結繁半夜有風非逐葛初冬無雪已殫袁野人  
偏靳天然樂不約柴門共負暄

獄有蜀囚患脚氣官醫療以越婢湯

天然趣事說來真繞筆雲花吐穗頻惡豎有情邀越婢庸

醫何術試巴人固圍應杳關山夢縲綫空餘草木春曾愈  
頭風傳一檄杏□誰錄葯方新

馴鹿

蹢躅仙鹿欵吟關步草穿花性已爛磴曲伴驚風獵獵溪  
長知溯水浚浚岐分銳角擎霜幹繡布豐毛散雪斑今日  
詩人經物色香擊叢桂卧秋山

白詰

西曹風月剩清談宦味頻年只自詰糧絕何妨懸釜待鈔  
空誰復借囊探朝衫典盡心先醉吟筆揮殘手亦酣茶熟  
新香憐諫果朶頤佳境漸回甘

王布政集卷一

讀玉峯和秋興詩賦贈曹太史

五

英華遙接建安傳青徹江峯古歛天柳浦晨帆眠賦客楓  
橋秋笠繪詩仙聽蟬疎雨調瓊瑟驅馬斜風拂玉鞭借問  
蓬山愁幾許惜陰温樹到花磚

雨霽步熊文軒原韻

玉宇晴光潑眼前一城春樹淡飛烟依然雨雨風風地恰  
是鶯鶯燕燕天焚草事空羞白筆夢花才盡悵青錢頻年  
卽署談鷄舌待看朝英取次鮮

中秋月下

寂寂秋天過晚鴉小庭兒女語聲譁爭牽羅袂誇雲瑞高



捲珠簾待月華誰倚孤桐寒井樹空吟叢桂小山花家鄉  
另有團圓樂詩禮談深侍絳紗

庚兒生已數月喜而吟此

襁褓堪憐掌上珍而今方覺是全人涕聲漫卜他年貴笑  
語聊看此日真饒使覆雛勞鳳翼先從舐犢竭牛心世間  
愛子尋常事只見霜華兩鬢新

思仲弟紹聞

南榮乍試早春暄頓欲連床話故園老大情長兒女樂清  
閑心切弟兄恩遙遙竹馬齠年戲渺渺蘆鴻遠地言回首  
辰陽雙哭母此生何事慰慈魂

王布政集卷一

六

嘲武臣宿衛

簇簇新冠翠羽拖只將白髮讓簾頗衣羅精麗鮫人織帶  
玉玲瓏鬼匠磨奴子虬鬚控素勒侍兒鴉髻脫烏靴歸來  
喜說天家事便殿薰風向午多

中秋雙黃寺道中

盼到良宵仍客邊匆匆鞍馬夕陽天一環水曲叢烟遠千  
笏山尖吐月圓斷續鐘聲梵王刹高低宿影酒家塵去年  
此夜經行地今日重來覺宛然

歲除趙繁修自黔寄金來作此以畬

水署風清耐冷吟鴻來萬里谷中音朱陳仕異饒先步管

鮑交貧本素襟臘盡梅開天未簡春還松拂水西琴星郎  
除外期匪遠也樹雙旌照綠岑

除夕

蕭然除夕亦恬然小坐圍爐懶向眠栢子浮尊清結露梅  
花橫帳淡生烟回頭幾箇春婆夢撒手多年醉佛禪只是  
無端寒共暑半生勞我一青氊

壽伊方山

名都立原任晉撫爲  
伊桑阿中堂之子

洛社風光最盛遊平泉花木日清幽萱堂萊彩新開第蒲  
坂棠陰舊牧州藏酒自斟酣卧榻賜書重讀喜登樓環階  
羅拜鸞鷺客置笏盈床伴酒籌

王布政集卷一

七

畫錦堂開繞碧峰特留名地付詞宗香騰吟榭惟開桂色  
映書樓獨看松鶴舞翅翻紅葉麗鹿遊身染白雲濃摘星  
高處登臨爽欲傍紗帷携竹筇

送羅文伯同年赴長垣廣文任

壯秋鶯谷喜同遷舉比新張集鱸年竊酒有奴搖大扇知  
書無婢曳寒毡齋前雨洗青槐市署後雲耕綠藉田身是  
阮亭詩弟子授經餘事付吟箋

丁丑波羅河屯管押準囚如京

準噶爾策妄阿喇布  
坦與其子噶爾丹側

楞據波羅搭拉作亂屢  
抗王師數十年始獲之

綸綍宣行幄載將生月氏招魂旌馬革瀝血剉狼貳感透

黃泉泣勞酣紫陌馳教忠兼郵節意美小臣知

豹尾班行裏親承 簡命時將軍驅鋌鹿法吏檻番獅撥

霧荒山磴凌風亂水湄勒銘誰載筆千里把秋筭

郵致佇囚夜行山中所見

卽噶爾丹側楞也

勞勞此行役檻車亂石叢馬嘶山月白虎跳樹霜紅炬焰

烘林熱鐸聲拂磻訂兼程寅夜發甯復惜倥傯

仲秋初晴午後下直口占

鶴軒燕市碾街泥退食閑情逐馬嘶秋日斜暉明宿雨暮  
雲零絮襯新霓漫說義氣高蘇李須識清流重阮嵇只此  
連床書數本把來籬下遶花畦

王布政集卷一

馮夢塘小齋卽事

分列通門舊阿咸小亭清絕有歸帆玻璃靜意融窗瑣玳  
瑁華光耀笈函米舫高風留拜石陶廬佳趣滿吟衫從知  
菴舞希曾瑟此樂人間亦不凡

蘊齋先生柬招梓里比部同官小飲敬步元唱

詩酒流連樂事俱家山舊雨盡歡呼秋聲賦裏愁堪祛晚  
節香中醉可扶久話漫要編紉密淡交何慮劔琴孤此心  
留待他年憶方識金蘭自有徒

哭仲弟紹聞

肝腸寸斷說鴿原滲淡秋衫點淚痕幽薊雲山空弔影鵲

華烟水未招魂

弟以事如秦歸次  
歷下病卒逆旅

猿啼痛咽湖前舍鶴語

酸留海上村偏我長安苦匏繫臨秋鎮日泣黃昏

遙遙十載隔雲浮

弟自庚午秋試不利  
歸里不見子者十年

前度脂車亦值秋

誰料燕山揮短策從教之罟泛虛舟莊蒙蛺蝶憐春夢石

曼芙蓉幻夜遊回首辰陽同哭母到今獨我護松楸

戌申  
辰陽

先慈下世子  
二人苦塊相依

四十光陰共鯉庭北南強半水風萍

弟里居非試  
不來都門也

驛花驚

寄他鄉白池草衰尋故夢青一弟影殘秋邸雁諸孤聲慘

夜窓螢長沙鵬鳥傷心句豈忍芭蕉雨裏聽

弟性聰敏制  
事有識借以

風痰病瘳不克奮  
身竟致賣志而歿

王布政集卷一

九

索米蕭條困輭塵秋風棠棣正愁人信來恰值團圓月夢

去空留黯淡晨鶴髮高居誰慰意蜂腰零落自傷神

子昆  
弟三

人弟居其中  
故峰腰云連床已絕今生想地老天荒問海濱

吟秋雁

連翩橫斜過碧虛聲和街鼓恰更初薊門楓樹頻來路湘

水蘆花屢泊居歸趁菊華新月令飛攤霞綺舊雲書上林

應少相思侶底事重陽一顧予

書穆彘菴屏幅

奎聯南極耀星衡祥兆耆英洛下盟懷遠蘭曹賢主客修  
文書院老知兵嚴嚴鉄面如霜冽湛湛冰心似水清恰喜

盛搜逢此日桂花風裏沸君名

八月下澣

北窗瞬息送年光  
慘淡新愁落髻霜  
耳寂鳴蟬銷八月心  
寒飛雁趁重陽  
靜臨雀案掄詩筆  
閒倚花籬曝酒裳  
厭殺催租頰  
剝啄閉門風雨熱黃梁

十月朔日

冬來迎候掃吾廬  
瀟灑軒窗氣漸舒  
培植心花憑舊牘  
開除莫羨賜新書  
半年樂事消磨盡  
三月閒人擺脫餘  
好向南榮頰  
膝背一團溫暖小春初

悼亡弟紹聞兼憶辰州

王布政集卷一

十

萱背深秋恨早霜  
對床風雨泣辰陽  
但聞魚鱸津酸鼻  
共嚼熊丸淚濁眶  
歸侍黃泉君樂永  
留攀紅樹我悲長  
慈親如問京華事  
莫說兄家剩沙囊

畫眉鳥

黯淡黃衫映白眉  
獨傳清調解人頤  
春山叫裂濃烟毅  
曉閣啼殘細雨絲  
鴻鴉高飛應不韻  
燕鶯嬌語亦無奇  
閒來掉盡瀾翻舌  
慰我拋書寂寞時

小巫

春滿衾裯向夜分  
高堂初賦小巫雲  
銷魂簧語隣鶯轉  
噴鼻衣香愛麝薰  
代北霞籠湘竹扇  
淮西風縹柘榴裙  
幽窗

寂寂燈垂穗斟淺羊羔意已醺

初冬扈從出都

六龍遄發駐溫泉潤色昇平賴有年  
松老深林青結翠麥齊新畦綠生烟  
漏雲斜照空花地釀雪微陰淡墨天  
于役曹郎歡策馬拈髭吟嘯晚風前

吉陽曉發

信宿征程發吉陽  
麟雙轂碾春光舞楊夾綠行來路  
開杏開紅到處莊  
儘有風雲烘筆賦更多山水壯遊  
縉古燕賜履封疆在翦否康公舊  
懋棠

吉陽道中有感

王布政集

二

巾車緩緩向朝暾稱體春裘兩袖温  
差喜風和桃葉渡偏教雲隔杏花村  
楊枝龍女新眉稿水面麻姑細爪痕  
紅燭青廬勞計日浣塵闔室笑開樽

聞內子爲余納姬

中秋夜坐

人到心歡那解愁  
龍堆詩酒儘游優  
畫喧異境朝陽洞  
歌沸新聲午夜樓  
萬雉宮牆羅繡樹  
一規天幕挂星球  
好裊露坐終宵賞  
不向華胥寄夢遊

壽孔太親母徐太夫人六十大慶

鳳綬祥生賢母座  
熊丸榮出聖人家  
昇平甲子添籌鶴  
慈壽春秋駐景砂  
鼎立翩翩環玉筍  
雲仍楚楚茁蘭芽  
蘿慈

如我忘形緇喜拜文宣近絳紗

三月四日卽事

年華強半笑桑榆纖手茶香問竹爐  
桃葉錦帆吳地女羊羔金帳黨家奴  
生歡欲返連城壁蠲忿知消幾斛珠  
明月清風花亦好一腔春意蕩蝦鬚

詠懷

重九光陰望四年撚鬚長嘆自恬然  
恨多芳草縈吟筆愛煞清風伴坐氈  
蝶夢翻空眞作假狐禪談破智成癡  
好留心地他鄉濶雷雨聲消對月圓

仲秋行館詠懷

王布政集

十一

雄關回首是天涯此日龍堆小住家  
臨飯偏思燕市酒就燈聊試越王茶  
當頭黯淡團圓月過眼荒殘爛縵花  
只有吟衫嫌絮薄木蘭雲重壓征駝

夜抵中關懷古

中關耶律扼輿州地爲遼時重隘今日山川供獵游  
如畫清輝看

永夜似春纖冷耐高秋廣陵跨鶴誰聽笛  
長塞從龍我貰裘欲問灤河遼氏月  
關支何處築妝樓

宿中關土人于姓家

中秋連歲到中關老矣馮唐喜駐顏  
幾度居停尋舊雨姓

山人余已三宿其家更番行役看新山  
蟾影自分明率律虎聲會

此廡滂浚去秋有虎嘯于此地徧索不得茅簷鷄黍真風味知否來年又

往還

關外夜行遇虎

荒山野水路交紛一騎深宵踏亂雲從識居林遵太守不  
教眠食誤將軍谷風嘯靜明螢火關月行孤近虎氛疾去  
豈堪呼李耳楚虎呼李耳則喜鞭聲如雨響征裙

行館中庭植二柳愛之咏此

山徑斜環接遠青綠濃雙樹護門庭凝烟濯濯籠新雨映  
月甃甃斂小星舞罷態容盤裏看歌成悲調笛中聽攀條  
幾度腸堪斷搖曳宮腰軟翠屏

王布政集卷一

祝史年伯母壽

珂里鳴琰薄九宵萱堂黃髮羨逍遙雲芝光拂華纓動月  
桂香隨彩袖飄燕賀鳳毛欣再見鳥占熊膽憶曾調通門  
猶子榮何限得拜文宣傍翠輶

韻用高季迪醉媚睡翠被句

乳鶯聒耳魂先醉小谷幽香人服媚眉蘸柳痕豔晚妝臉  
籠桃暈酣春睡好花解語看芙蓉嬌鳥怡情憐翡翠十二  
巫峰楚夢饒朝來笑擁紅雲被

九月九日壽同鄉卜母李太夫人八十大慶

偏是重陽菊發時恰逢華誕設西池萱堂秋老紗帷捲蘭



省風清錦袖垂笑把吳萸榮晚節喜吟燕桂茂新枝滿籬  
黃綻饒天意簇簇擎來獻壽卮

熱河行館漫興

山莊原避暑時日恰臨秋庭樹含風急塞花帶露稠蕨羹  
香沸釜豆酒美盈觴夜牖耽詩坐不眠百尺樓

退直馬上口占

年來逢此日四度到龍沙信轡晨趨省彈冠午放衙練長  
環水市雲斷露山家雙柳居停在濃雲拂日斜

贈八同署卽用晚香堂原韻

五載金蘭小書長白雲深淺拂秋裳臨風漫想張郎柳向

王布政集卷一

十四

日誰看召伯棠求劔放懷游僻市耽書抱膝卧高堂鬚眉  
不愧肝腸雪芳草王孫絕世妝

忠勇公豐臺別墅爲王園故址追憶有作

歌嘯多年土女魂園爲王氏者聽人借避以故孟楫輪蹄歲無虛日而今塵斷相

公園松門暖翠環榮棨蘭室繁香布鼎尊未結玉津游屐

影園在南郊去西淀三十里新主人未一至早空金谷醉衫痕王氏曾富擬石季倫來春

誰策清明騎紅杏雲移月有邨

波羅河屯

林林烟火簇青城波羅青也河屯城也四野豐淳望裏生睥睨環山

天築就泉淵襟水地攤成餐風遠賈勞心筭斯地貨販俱係晉人謀

雨恨農門力耕旗地俱係租給齊魯人耕種給旅舍秋宵拚夜坐鷄啼聲

裏馬嘶聲

波羅河屯宿宋東家吏舊從余于銓部

征鞭四度駐青城茶熟香温故吏情數載南曹慚撫育連年東道快逢迎殷勤但覺春風滿安樂平添秋月明一飯由來留古話好從他日報藜羹

和方荔青制府波羅城九日登高原韵

駝鳴雁叫一聲聲紫塞雲山帶畫情漫問黃花叢野磴空看紅葉覆邊城庾公墨雨裁箋潤荀令香風曳履輕我亦前秋曾射鹿吟鞭經此憶歸程

王布政集卷一

九日出哨

十五

淺草平原一望收吟鞭敲盡木蘭秋黃花竟爲詩人絕紅葉偏緣獵客留空說風高堪落帽還欺霜薄不添裘山中甫得兼旬住又看征雲滿驛樓

木蘭口占

笑我西曹削牘身木蘭眠食疊經旬山山水水營樵汲雨雨風風紀暮晨聯轡輒塵渾舊識停車豐草又新隣無聊最是鷄聲裏偏作移家策杖人

庫庫英圖飯後

遙天霜樹發秋聲馬首南來第四程環釜烟凝臨水電幔

亭風滿對山營每緣滌悶思羔酒不意療饑得雉羹較勝  
前遊果何事微髭吟白雨三莖

三十 鄂爾楚克哈達帳中漫興

曉岫秋陽雲半吞午來盈谷換春溫茶烹蠨眼新泉水香

燕鴟頭老樹根

營內乏炭爐  
熏俱以山柴

邀醉黃花憐未放

時近重陽

供書

紅葉悵無存

紅葉凋零殆盡

辛勤逾月眠風帳空對東山謝相墩

鄂爾楚克次日閑坐口占

連朝卓帳翠華峰無限雲烟盪我胸瀨奏仙琴喧水柳巖  
皴神畫界山松谷聲遙應人來響草色平分鹿過踪不醉  
汝陽容駐馬消魂宜罷酒泉封

王布政集卷一

鄂爾楚克第三日夜坐

晨昏三度翠峰前愛煞烟霞窟裏天風沸谷松喧午籟雪

飛泉柳弄秋棉

是日大風微雪

茶瓢香溢雙龍餅詩案水清小雀

甄于役偏忘歸日近此生遊暢亦前緣

木蘭獵程桓於此迴轡

九月十三日忌辰

依然綠戲北堂心憑几魂傷痛不禁黯淡白雲悲化迹悽  
愴青露忖遺音君羹欲奉言空在母杼何投夢未尋  
三十三年如昨日淚彈風木到於今

曉起

頻年糜祿愧營營曉起從容淡俗情聒耳幽聲追夜雁賞

心閑意對秋燈科頭愛好多簪菊戟指分甘細擘橙只有  
耽書關夙癖珊瑚高架面南城

賦得因病得閑殊不惡和陸淳川

不因小病輟吟聲傾倒坡翁意轉清境靜一心橫榻穩身  
閑雙眼對書明鈔詩就富棲霞句藏帖新酣快雪情從慰  
渴懷忘久坐教煎茶僕已煩更

居然喬木好山房問疾談深白晝長日下裁雲容我誦雨  
前烹雪傍君嘗狂來太白非酣酒瘦去休文却嗜香名噪  
甯緣今在洛逢迎到處逼人忙

潘岳愁深漸髻斑達觀風味駐童顏逍遙何碍閑中病淡

王布政集

七

泊偏禁病裏閑菊已拒霜矜節晚梅因驕雪發條孱吟詩  
舊社玲瓏館珠玉篇章自手刪

呈某相國

南極星來尺五天班荆緣拙意茫然棘圍聚首三句裏辰

公總裁予爲內監蓬徑談心十載前壬申公予告歸里別

試相對者月餘

余於耶寓談甚久

舖敞湖山推隱相烟霞臺閣羨耆仙試從詩句尋香瓣砥  
柱中流近百年

中秋酌月卽席分得上字

東山素月飛上濯濯金輪滿望清淺池心眼明森疎樹脚  
神曠半歌半嘯鴻賓未聖未賢桂釀須識珠簾萬戶靈臺

同此無障

秋日寄懷趙三蝶莊

相聚無多日伊人早倦游黃花縈古道紅樹記新郵瘦沈  
何堪病悲潘只賦愁懷卿勞我夢明月一登樓

賦得亭皋木葉下得亭字

四野黃雲滿九霄白露零凋梧秋雨徑殘柳夕陽亭芳樹  
樵肥綠翠嵐黯遠青脚盃吟落葉寄傲帶微醒

喜晤同年張子畏自閩來都

名惟寅天津南皮人  
由選曹出任鹽道

下車揖我桂花時握手歡消八載思頓免晨扉題鳳字數  
煩春驛寄梅枝交經久締裴卿耐感勒貧游鮑叔知從識

王布政集

齊雲高閣望故人西署正歸遲

題醴泉黃友師竹軒小照

冊內小竹為令嗣  
雪溪之筆尤佳

怪道前身王子猷渭川瀟灑白衣侯葛陂龍影來書幌  
谷鸞音依笛樓掃石幽情閑放鶴焚香高致獨盟鷗平安  
報語更新格但寫琅玕付雁郵

落葉

霜冷吳江半挂篷含毫狂興獨臨風游絲未許千吟徹響  
籟還憐一掃空幽徑苔錢銷屐屐綠虛窗楓錦積箋紅小春  
秋盡暄堪負暢意南榮寂坐中

邱齋與張子畏追叙前游

回首多年醉習池紫藤朋侶結春駒酒籌呼裂紅雲絮談  
塵揮殘綠雨絲洱海波澄人夢遠錢塘潮大雁來遲天緣  
偏遇今秋巧止渴逢君說荔枝

荅贈顧襄臣見懷卽用原韻

秋深瀛海正神馳投我魚書慰遠思才盡自嗟江令筆文  
高還憶董生帷美人紅豆烏啼夜幽容黃花雁過時纔度  
重陽風又雨吟髭拈斷不成詩

輓翟□□

年來深契含香侶彈指滄桑灑淚頻比屋茶烟悲故迹聯  
曹花雨看新人爭憑總帳空澆酒誰傍書床一拂塵僥倖

王布政集卷一

七

中郎偏有子好留弓冶護遺琴

送子畏同年回閩

把臂燕臺數月歡八年澗別恨無端事經如許滄桑感人  
閱幾何瑜亮歡緣綵緞我羈楊柳陌碧幢君返荔枝灘東山  
絲竹期耄耄且爲蒼生屈謝安

曾爲余言倦遊之意故云

此日離亭共鼻酸灞橋無雪點征鞍錦衣晝耀皮城陌金  
綬春榮柘水瀾回首交朋重判袂傾心僚吏共彈冠分司  
白傅風流在應有豐碑不忍刊

題黃雪溪畫小竹

錦心瀟灑淨無塵雨葉風枝寫麗春具體初疑文太史前

身還問管夫人嬌啼宛轉黃陵淚新唱玲瓏白苧顰傾倒  
有情誰似我竹林深翠布重茵

閑意

淺淡粧梳短綠襦戀人春色落姑蘇豐肌甯免呼肥婢纖  
手端宜喚軟奴雲麗玉臺溫氏鏡風和金谷石家珠生平  
此好殊難遣掌得雙清一稿無

送那雨蒼之官潘陽

十載耀清班琴書遠渡關雪消明剌樹潮落帶萊山白草  
遙天際黃雲返照間三年君報最把酒啓離顏

祀竈

王布政集卷一

二

勞勞臘尾又春頭如水年華逝不留人自嗟跼饒本色官  
從盤錯剩風流梅花詩冷教兒頌栢子醪清就婦謀隨俗  
何嫌聊媚竈檀香樺燭拜烟樓

賦得爲他人作嫁衣裳

少小無端學繡裳瑣窗篝火耐更長供他曳錦雙停宿迺  
我唾絨屢罷妝巧樣心裁空自喜幽情眉挂倩誰傷標梅  
甘薄生來福悔結針神一瓣香

和昔人韻卽反其意

盡典裘衫供僂厨山妻曾不費躊躇過門惜趾誰題鳳環  
座循腰漫索魚散淡偏憎纏俗事蕭閑惟愛讀酸書秋來

無限簞瓢趣自有清風到小廬

賦得私語口脂香

倚闌閑立弄花枝  
鸞地相逢私語時  
嗔喜平忘魂已醉  
愛憐交注意先迷  
幽蘭細馥經唇膩  
小桂深香度齒遲  
偏是匆匆輕別去  
鞦韆仍復轉秋思

待月迎風幾許思  
乍逢全欲使郎知  
嗚嗚緒碎幽窗耳  
妮媿情牽曲案眉  
唇簌清芬花露泛  
舌調芳澤篆烟欹  
相偎未久應酸鼻  
鸚鵡簾前已涉疑

憶昔有感

餅啖紅綾弱冠年  
春明便許跨連錢  
藤花廳裏有名客  
栢樹臺端無事仙  
試次筑田馳載筆  
獵從榆塞看控弦  
雷霆雨露經親歷  
悟得如如兩字禪

祝穆彛菴壽

嵩生十日隔重陽  
黃菊叢金鑄酒觴  
著述才華明北地  
書修丙廷  
恢諧風調漢東方  
謝家寶樹森逾秀  
竇氏靈椿老更蒼  
有客猶龍官杜下  
御爐香裏曳雲裳  
現官台中

丙子除夕

華燈餞歲發新醅  
正有梅花遶座開  
江國夢隨香際去  
玉門人憶雪中迴  
閨涿客詠逢春早  
寒報軍書入夜催  
老矣駒光憐更速  
起看列宿畫雲台



贈同年葵菴老人

童心鶴髮老監搜玩世清狂韻事翹眼大會噴豚似鼠手  
豪偏吝箭如釣嗜茶零索懷方勝看奕傍關住小籌瓜片  
贈人聊取戲蘋婆仙果荅嵩秋

叙懷

長安世事幾升沉贏得逍遙一素襟望斷清風臨水面坐  
來明月見天心刻舟廿載痴求劍把酒三秋欲碎琴回首  
軟紅塵裏夢何如蓑笠踏松陰

壽李母王太夫人七十大慶

金萱壽域快高秋鷓鳳天門傍日游喜說慈暉添一線欣

王布政集卷一

三

傳佳氣積千籌夜光月朗青琳宇神籟風和白玉樓鄉里  
同曹今賀客卅年前已拜雲輪

丙辰同年公集陶然亭步樹峰泰大司寇原韻

韶春閒洗笋蘭臭溢蘭亭待飲盤承露倅攀井聚星芳茵  
環地綠遠遂叫天青燕許多光焰拈毫覺忘形

呈樹峰大司寇

呂袋叨墟植相携讌古亭腹心推化雨喉舌仰元星鸚鵡  
酣浮白驂駟戲踏青春風人坐八寸版勒無形

避暑山莊

誰解龍堆作暢游六街迤邐谷山滿詩礪奇句雲邊屋歌

羨新聲月下樓沽酒盈樽花露和烹茶環竈柏香浮五年  
此地頻來往飽飫風霜更愛秋

頌錢母吳太夫人

幽光正氣娥眉盾老少安懷功不磨非福漫爲鄰破鏡未  
亡還欲看鳴珂百千載後當風桂五十年來着露荷料得  
鳳綸飛降日清風環繞白雲多

詠懷

已逾三秋月過陽霜林籜葉樹千行蘭吹青鬢懷新友茅  
煨紅爐憶故鄉糜祿羞同軒上鶴消讒甘守涇濱羊分陰  
無計隨添線惟許鷄窗話夜長

王布政集卷一

歲暮吟懷

落落南臺索米身年來遠却逐車塵半銷壯志臨丁卯漸  
染迂懷自丙辰久宦生涯歸淡泊長貧滋味臘艱辛繡衣  
舊破花驄瘦偏是風霜早自親  
一官蕭索在長安獨擁清風坐歲寒典却鸛鶴非爲酒賦  
成罵鴛不堪餐柏臺峻處貧逾甚梅舍香時冷已殘未識  
來年芳草路春陽何地着游鞍

重陽聞雁

念五年來風雨聲每逢聞雁起深情舊塵彭澤迷花徑新  
步邯鄲託錦城慙我腸枯書笥滿愛人顏渥酒瓢輕星星

雪髯成虛度若覓南車辨漆程

山行小憩歸寫騎馬小照自題

此日曹郎作塞翁金鞭玉勒白銀驥青林紅樹秋山靜知  
落雲峰第幾重

送那雨蒼之官潘陽

一闌陽關酒重傾知君此別不勝情渡遼三月水猶結回  
首山花滿 帝城

雄門吞海與天齊日暮孤征意自悽啼鳥莫驚閨夢遠馬  
遲猶及到遼西

香奩雜詠久蹉跎欲唱陰山敕勒歌此日好傳悲壯句斷

王布政集卷一

冰殘雪大凌河

香

頽垣古戍野雲黃匹馬行經百戰場北望醫閭東際海  
山盡處是遼陽

相思悵望海雲東莫使扶桑枉挂弓好念故人饑病口射  
魚江上寄秋風

傷春忽別自書空善病年來依藥籠親故半凋君又去愁  
吟折柳落花中

題穆老人杖

矯矯之質稜稜之捺風清月白與共逍遙

贈多濟雲道長

六載同官坐柏陰  
監搜今日識君深  
金蘭到處成良友  
恃有冰壺一片心

桂花香裏結同舟  
行飯從君試決壺  
偏是穿楊傳不得  
幾番囊矢盡空投

追述春前相晤寄子畏同年

筑陽良晤晚燈前  
恰是清明雨後天  
詎卜重逢定何日  
拈髭贏得話蕭然

兩兩投驂聚異鄉  
黃州風雨喜連床  
心交偏是多離別  
淚滴殘更燈穗長

上元圓明園桐城相國 賜第遇雪

王布政集卷一

五

初入山莊宰相家  
瑤階輕步蹴銀沙  
更看綠野堂邊樹  
飛雪枝杪結素花

仲春圓明園啓事

御街挽轡踏芳塵  
夾路韶華入眼新  
天近應饒濃雨露  
百花開放好精神

寄懷滇南張子畏

我到都門君到滇  
黔中曾共話春前  
榮枯無限堪書寫  
向雲箋是冷烟

洱雨蒼雲萬里遙  
上林春雁徒勞勞  
未知五馬嘶何地  
且綴團花舊戰袍

叔度風流遠莫攀交游無復見痾瘵寥寥誰是人堪境幾  
欲函文檄北山

仲春圓明園啟事

平明啟事傍宮墻遙望名花艷異香遮莫東君從扈蹕  
廣攢春色潤天莊

嘲穆彘菴同年名飲

剥啄鶻傳折柬來捧函倒屣費疑猜漫云粗糲無兼味可  
許屠門大嚼回

又題穆杖

紫萸黃菊日風騷方竹長藤興亦豪月白霜清人自健徒

王布政集卷一

知天地是形勞

送潘筠軒歸田

鶯谷同遷十五年安仁風致日翩翩含香我抱山公牘載  
筆君登白傅筵恩隆前席歸雙炬望重分班到八磚記  
取東山谷再起鑑湖烟水正無邊

鵬息天池六月間厄才天本惜才天經綸欲富何妨困學  
問求真不受憐燕市輪蹄懷舊雨輞川詩畫悟新禪烟霞  
自是文人癖莫負蒼生望澤虔

卽事 六月晦日

齋衣清曉疊香篝佳話傳來破睡眸自是無端風雨驟直

催桃葉過墻頭

默憶濤驚五夜中，薄言翻與怒相逢。  
紫藤不解猶憐意，漫說花殘一捻紅。

庚午秋日

濃陰一帶暗溪烟，曳響新蟬噪午天。  
曾記昨年嫌聒耳，今朝初聽轉生憐。

獨坐庭院偶聞南隣書聲

閒憑小几獨支頤，貯水庭階浴畫眉。  
聒耳書聲何細細，南隣課女讀唐詩。

暮秋早起

王布政集卷一

毛

時屆平明曉色分，霞光霜氣兩氤氳。  
秋風葉落紛紛雨，寒霧鴉飛陣陣雲。  
抱甕循街綠灌菊，移鑪就案爲燒芸。  
消閒更有貪詩癖，細讀唐人預盥焚。

流螢

閑坐空階納晚涼，流光無限度花墻。  
陰陰亂入沙窗裏，燦燦星輝照客牀。

秋闈揭曉前一日

四十晨昏傍棘闈，幾經風雨薄雙扉。  
關心早菊籬東爛，聒耳秋鴻塞北歸。  
飯後習勞惟校箭，醒餘尋暖自添衣。  
日來望斷聞人目，多少文鴛夢裏飛。

小暑日微雨口占

南薰吹潤翠華流人我清涼境自幽榴火攢紅初煉暑松  
清浮綠欲暄秋香升縷細盈蘭室茶沸聲繁近竹樓小雨  
飛絲簾乍捲輾塵何處不瀛洲

祝赫年伯壽

崢嶸里第說鳴珂還問添籌樂事多望重東臺依日麗譽  
隆左掖坐風和雕輪曳處新銜雁綵袖烹來舊換鷺七載  
蘭交稱莫逆喜隨仙客舞婆娑

傍日梧桐老鳳巢鳳雛雲表揭仙苞高懷原不縈冠履雅  
量由來薄斗筭青闈入批三殿勅紫垣坐判百司鈔行傳  
犀帶邀榮貴露冕尋春到綠郊

王布政集卷一

三

蓮城集

福山王顯緒閏軒著

入廣南府境

溪流蝸角徑羊腸樹意山光結老蒼人境緣何存此地一  
方草木笑天荒

入城

水曲山彎一徑盤睥睨百雉繞巒岷叟童爭認新來守知  
否七年舊多冠

入署

京兆由來五日輕雙旌清影重沙廳我心不道是傳舍驗

蓮城集卷二

取痾瘵立課程

濯錦軒小酌

半截風光彈指催圍池全未闢蒿萊矮墻行酒萍間出料  
徑尋詩竹裏開

新荔枝

北日蓮城亦樂哉紫薇花發荔枝來冰丸剖自紅羅裏瓊  
液採從白玉胎獨羨名高繁牒譜却憐香遠薄樽曩欲吟  
把筆詩腸澁力索慚無可費才

廣南郡署紫薇花開頗盛

荒衙竹樹半闌珊獨爾新芳秀可餐帶露嫣紅堆細縵弄



風嬌紫簇輕團後生未及臨春賞遲放猶供入夏看所幸  
青苗盈望眼農疇無事悵花殘

滇俗紫薇花後無雨則插秧之事無望矣幸不慮此

紫薇花下集客詠此

回首絲綸萬里遑山城恰又看奇菲葉端織豔朱霞簇枝  
上濃鮮絳雪圍池柳條牽魚潑刺砌榴華裏蝶翻飛開罇  
快領金蘭趣忘却淋漓到酒衣

席間和吳念馨韻

樂事花前快十分昂霄賓客辱雞羣歌聲迭沸羞紅雪詩  
格爭攀愛紫雲拙目刮頻空累我小髭拈斷總輸君香山  
過後吟成訟好繼絲綸爲解紛

蓮城集卷二

十八寨見蓮桂並開端陽前二日作

底事天涯錦繡堆綵蓮丹桂一時開潘妃罷舞金鋪上獨  
看紅裳拜月來

步和李真人乩筆二絕

無敵名垂不計年早從開寶壓羣賢人間只是留難久却  
御金鰲上九天

心香一炷拜初筵榴竹籠階笑俗妍漫說蠻鄉無好酒三  
盃贏得兩詩篇

步吳彥馨食荔枝韻

品題雅稱狀元名長夏甘來笑斗城纍纍垂枝星有象紛

紛敲葉雨無聲滇南客見腸猶結冀北人逢眼更撐計日

湖堤秋水澗引君鄉夢是尊羹

彥馨武林人久客滇故云

漢唐時已著佳名萬里紅塵接 帝城詩咏摩紅誇異味

曲成凝碧記新聲 上方錦袖歡分攜

戊午歲侍先祖太常公入朝曾蒙

今上御賜二枚置予懷袖 返甸油幢悵獨撐擬把酸鹹難坡老嶺南

何事薄梅羹

荔枝有名十八娘者吳彥馨雖雅風流每談及輒留

連不置因戲成一律蕭齋博噱而已遑計綺語戒乎

十八娘行許借名呼來嬌豔覺傾城輕紅未擘偏含意賦

白方啖欲辨聲霞影數枝團扇拂雲痕雙蒂小釵撐檣榴

蓮城集卷二

三

眷屬歸甯話解否爭談洗手羹

雨窗池上卽目

小軒臨沼上久坐靜堪娛聽雨憑荷蓋吟風玩柳絲一欄

裁錦綺四牖架琉璃把卷無窮樂新秋耐我思

仲秋率入泮諸新生恭謁

聖廟書此示之

詩書真教澤百代接淵源一字精腴揭六經妙義翻 宮

墻榮拜跪 几席幸趨奔初步青衿拾逸程紫綬捫囊螢

酣北牖買駿及南轅領我諳諳意毋徒負野瞻

好雨知時節

午窗攤書適得書院課土題走筆成此

應候甘霖沛澤民  
謝雨師潑山新翠  
起點水蔚藍  
施田父歡如躍  
衙官樂正嬉  
秧針資苗發  
菜甲趁離披  
池草無須夢園花  
似索詩撫躬  
增惕勵莫負此良時

貴陽道上

雲連山樹愛松扉  
緩乘肩輿踏翠微  
乍入深林心頓靜  
旋登前嶺意如歸  
月來應被青衫拄  
風到還開綠野圍  
好識黔山眞面目  
莫忘燕客舊春暉

雨中夢鷺軒久坐

四垂天幕卷蓮城  
放眼雲山處處清  
爽徑筠竿千玉立  
滿池荷蓋萬珠傾  
新機入手心堪醉  
靜意浸脾魄暗驚  
撥火

蓮城集卷一

四

焚香無箇事  
對窗聽雨一聲聲

彌陽午日

郵亭蒲酒識端陽  
行部歸途夏漸長  
疊整鏡鞭從隔歲  
雙懸章綬恰連疆  
代庖意見渾忘却  
一視清懷自據將  
博得黃鸝鳴到處  
賞心時雨稻花香

贈郎山錢四卽用彌陽午日韻

宿學眞源溯紫陽  
膏腴經史味深長  
波瀾口倒無窮淡  
邱壑胸藏孰辨疆  
奇趣輒從君領取  
佳文偏許我攜將  
射潮家世原雄壯  
鰲背宮袍兩袖香

長至月晦日得雪喜極詠此

風雨聲喧夜半窗，詎思清意借寒江。炎方正苦冬陽逼，瘴地偏宜曉雪降。吟絮小箋從舊格，落梅長笛度新腔。訪農勒馬冰田裏，喜氣春生刺史幢。

中秋前三日

芷江今日是重游，八卦灘頭八月舟。恰好蒲帆風飽處，芙蓉紅滿四山秋。

朝日壇陪祭

休閒祀事重寅賓，載筆堯年紀仲春。恰喜日邊人拜日，還欣雲上客占雲。

甲申季春得奎窩水源可以築壩灌田作此

蓮城集卷二

五

問水尋源跋嶮巖，得來泉脈喜漣漪。欲狂太守騰雙脚，若渴羣黎熨萬眉。好障清流憑匠鑿，且牽長洫潤耕犁。鷺飛鵬轉來年事，看取農成慰我思。

寶甯明府方石泉往勘奎窩水利歸述可開情形甚確喜極又成一律落稿時已漏下二鼓窗外雨聲浙浙坐小軒中燭光篆影別有真趣自怡不已

兩年拄笏悵臨淵，意外逢源咫尺邊。不是飛鳧親問水，頗教馴鶴妄談天。無窮樂利期羣被，有數泉刀敢後捐。致囑小民須念取，綠疇長保此潺湲。

講求水利得泉脈於奎窩山等適值書院開設顧名

不禁驚喜爰作此以勉讀書其中者  
得泉本意利農功孰識佳名兆土風  
怡喜奎光最峻巖定  
看離德透愚蒙祥開文運靈雲滿  
瑞應書香化雨融好語  
連城諸子弟辛勤難負此天工

蓮多荒田夷民性復懶惰故特捐  
給籽種使之耕作  
又稱土性不宜種麥詩以紀之

不勤農力播春花偏說烟蘆土性  
差教稼誰能親履畝崇  
朝含哺野人譁

三年典郡亦徒然何補蓮城有隙  
田我去故鄉緣讀禮小  
民無食轉留連

蓮城集卷二

廣南竹枝詞

六

中華版籍此天涯蝸角城鄉百萬  
家氣象蕭疎生面別武  
陵雞犬白桃花

磴巖叢錯少流泉貯殺雷鳴落雨  
天築堰橫斜留積潦下  
犁何異治良田

俗祭無稽重禱祈虔心雞卦測靈  
機耕牛放倒神餐未且  
遣慶公醉飽歸

結隊新正弄綠球語聲雜還笑聲  
稠劈空對打無嗔怪知  
是猖狂舊俗留

橫列長轆軸拄臍兩頭旋轉任高  
低飛僊不見凌霄意也

號鞦韆架柳蹊

無端長夏獨呼年燈火香光蕤紙錢染得升來紅糯米撐腸贏得樂陶然

作翁呼博名從子

男子生子名某卽以其子名名之而加一博字於上爲博某

克婦稱

好家逐郎

女子嫁夫從夫更名一如父從子

鄭重成人應有意莫將夷俗

付荒唐

民間婚嫁重檳榔親族羣臨索共嘗嚼得唇皮紅似血燈前歡笑喜洋洋

女勤男惰久遺風十室耕農八九空斗粟售殘餘尺布歸謀猶可度從容

蓮城集卷二

挑柴擔米趕街場捷足羊腸抱布娘拉伴齊排藤机子拈針閑話襦鞋幫

幼婦喬妝劇可憐治生勞碌自年年裏頭綦布春宵雨約腕銀環牧曉烟

方言聒耳苦侏儻編貝成行數墨碁不是儂夷生像別調馨多沁柘榴皮

竹筒滿吸水湯湯直引奇温到肺腸道是能消炎地瘴鼻孔烟飛挾異香

鼠牙雀角要公評拱取龍鍾一語聽偏是朝三兼暮四雨風奔命老人亭

宋代蠻僮起智高窟巢此地獨開茅至今馬跡科崖上隱  
隱雲松作細濤

雉堞盤山勢蜿蜒團團新樹曉飛烟何來鸚鵡聲嘈雜數  
百啼喧坐客簷

逐朝曉露釀秋晴烈曝粳秬熟十成無情最怕西風北吹  
散黃雲負早耕

計口授春之預謀未能免俗到西疇輸公省却橫征歛猶  
不豐亨慶有秋

懸釜頻催掃碓忙罷春新米煮來香羣然含哺歡無事誰  
又關心隔宿糧

蓮城集卷二

八

輕輿滿結百團花接去痴嬌小女娃偏是拜堂仍異室銀  
河聽泛自來槎

城外峰巒几案邊高窗閑靜望清天春聲四隅恰相應旋  
見微風漾灩烟

上巳日詠懷

上巳春風晉永和鶯花時節足婆娑長林肥綠濃堆錦疊  
障新青嫩染羅柳陌塵香尋勝馬蘭亭波暖換書鷺天南  
此郡猶荒簡駒隙安容袖手過

清明日寄前守崔公墓

衙鼓聲喧今令尹墓碑影覆故將軍訪遺已爲加封樹存

舊甯殫事掃焚聊取榆羹澆旅骸不教麥飯斷孤墳儘求  
政績無文獻何限長嘆對夕曛

清明日卽事

光陰瞬息去悠然昨日司爐已禁烟滿擬菱春傳雨節誰  
知旁午作風天無慘射柳鳴蛙鼓有興歌蘭拂蠹箋差喜  
新秧行出水柴門從此撤鞦韆

與同人燕叙

三生舊事話來新滿眼天機遍世春筆墨金蘭重結社詩  
書衣鉢一傳薪飛狎漫羨逍遙客克復聊追庶幾人只有  
民胞兼物與好將甘露洒風塵

蓮城集卷二

九

須知道學自風流爲有優來定有猷障解舊蹤空面面機  
開新路正頭頭海雲變幻千年境天月明高萬里樓認取  
此來真負荷相成深處賴同舟

戲贈吳念馨

來箋索菸自  
比于饑民

揮毫一紙索菸書那此流民鄭俠圖自愧田文疎禮教上  
賓彈缺到無魚

自勵四絕用戲贈吳念馨韻

好糸遺愛事刑書免致荏苒苒又改圖偏是校人工誑上悠  
然得所被烹魚

拙宦由來盡信書猛寬交濟是良圖校人畏罪忸怩語聽



者忘情是愛魚

校人慣何賢卿意  
鼓舌如簧是愛魚

心性功名味聖書  
首回春宴杏花圖  
多年看破貪殘障  
豈忍無端枯肆魚

得詩信筆就燈書  
除却勤民鮮別圖  
但得窮簷歌含哺  
何嫌官署甑生魚

桂花

郡民有桂一株花時來獻數枝貯瓶置  
几案上亦秋中佳興之一也成三律

到眼清光滿畫簷  
數枝金粟靜堪拈  
花繁取繞珊瑚香  
溥教薰玊瑁籤  
幽夢舞霓簫韻遠  
仙緣修月斧痕纖  
臨秋老樹雲陰茂  
待看長年作瑞占

桂花清供碧筠簾  
几案從教逸韻添  
幸有鑪烟縈寶篆  
曾

蓮城集卷二

十

無錦字續香奩  
枝頭冷露蟾光潔  
葉際涼風兔影纖  
茶熟呼朋攤卷坐  
南華秋水得恬恬

此地此花產亦廉  
折從荒落小民間  
激芳應爲撐青眼  
抱翠還堪拂綠髯  
萬粒紫金光灼灼  
千團黃玉影纖纖  
當年好夢攀來日  
滿袖籠香覺未厭

月夜小池泛舟

漱澹清輝到小池  
半篙秋水喜漣漪  
柳張綠幕連橋斷  
萍裂青氈逐岸移  
四壁蟲聲喧瓦礫  
一行人影浸琉璃  
無風自動波心月  
別有新機引我思

賦得水天一色

限天字

只此空明意忘形問水天何嫌飛有鷺恰喜墮無畝烟樹  
微如綴風帆輕似懸漫疑田變海須認坎歸乾濤勢和雲  
捲霞痕逐浪牽虛舟堪蕩漾羽化已登仙

荔枝二首

絕世無雙果托根此瘴鄉羅襦仙子服錦帶上卿裝手捻  
心先餓唇開肺已香長安塵落處恨教玉環嘗  
交廣鄰封是荔枝不厭新曉霞披處豔夏日摘來頰囊裂  
羅紋薄穰融玉液醅得甘嫌自食詩酒共嘉賓

贈茹廣亭游粵併訂其速返

客冬把臂接談新返轡昆明恰小春韻事傳多耽耳熟雅

蓮城集卷二

十一

裁披晚覺神親鴟夷大隱風先古曼倩奇諧味却醅此去  
雙江游莫滯榻懸應憶守蓮人

寄祝魯齋年老先生八十大壽

策名一日註星郎不棄齊東許雁行會計日天庾榮報績  
權衡水部正含香三山早擁朱輪穩六詔旋拖墨綬長相  
與同官先數定班荆重聚碧雞鄉  
閩滇兩刺政聲留就養琴堂恰倦游繞膝蘭枝良矩獲稱  
心珠樹好箕裘爭傳耄耋精神古任樂清甯歲月稠不獲  
登筵循末座拂箋千里頌添籌

癸未夏秋民饑米貴捐買平糶有作

學製疎才徒夢刀青黃遙接費焦勞里豪待價深藏谷市  
僧先期暗釀糟急出權衡裁逐逐好謀升斗濟嗷嗷俸錢  
捐得原吾分尙勸黎氓莫縱饕

贈寶甯令方石泉一律以酬其勞

窘我新程是夢刀喜逢仙令老儒曹民饑籍筋增街米賈  
耗懸筍斷市醪遮莫耳聲談宦巧何如心政勒功高黃雲  
滿地昏晨盼應有豐年相慰勞

青蓮書院開學日作示諸生

擇來吉壤建書堂邊郡生徒與就將聊取清新更耳目好  
從雅正滌肝腸夏秋宜讀頻攤卷曉夜堪思孰倒裳期望

蓮城集卷二

三

勞予無限意眼穿桃李及時芳

清明廣南卽事

一年到好是清明天末風光具別情笏列山青憑客玩帶  
環溪綠濟農耕芻蕘入市蘭盈把櫛沐登樓鷗可盟桃粥  
榆羹新柳火昇平無事樂邊城

喜遇故人子

驀從南郡接英才非復當年竹馬孩吟句已攀溫李座文  
思還上柳韓台

甲申季夏閱青蓮書院士子試卷頗能各露頭角非  
復昔時阿蒙狂喜擊節詩以紀之並書示諸生以勉

其加力上進毋負余之一番苦心也

羅致經生意本賒拈題頻試筆探花燈前校閱無窮樂喜  
見漁洋易舊搥

素心蘭

多年心羨素心蘭不意蠻鄉盡意看質結香叢鏤楚玉芳  
披新蕊剪吳紈臨風志潔朝凭几向月懷幽夜倚欄此日  
張琴誰妙手好將清操對秋彈

一心淡素出天然絕世幽姿是獨妍不倚飛揚傳異妙詎  
從傾倒示新鮮美人顰媚裳爲麗逸土言香佩自仙三十  
年來握蘭客披荆今日樂花前

蓮城集卷二

三

微雹

入午風雷動九垓一天春雨雜冰來飛飛亂落聲如擲刺  
刺齊拋勢似催碾玉藍田霜作屑弄珠滄海雪成淚心寬  
此際無秧插小砌何嫌破綠苔

春日

日暖風和二月初泥人春色耐踟躕小池泛綠波堪鏡曲  
徑回青草可梳生意尋來都在此流光拋去待何如消閑  
白晝誰歌詠不問年豐太史書

好雨知時節

清明恰是做秧期祝雨鄉農舌漸疲遠障雲堆奔馬到小

溪烟裏嫩龍馳淋漓陌柳垂新葉瀟灑酒園桑濯翠枝多少  
柴門閉眺望綠疇棲鷺白參差

清明敬思 嚴親家居今日上塚之事不禁神失  
春判滇齊屬各天高堂回首一潸然步巡桃柳閑扶杖拜  
掃松楸自把鞭鄉夢牽纏偏萬里 國恩驅策又三年堪  
憐游子愁如海層疊雲山布眼前

小春微雨燈下

涼天炎地讀書亭雨灑林池靜耐聽小舁餘烟方馥馥短  
檠孤影恰熒熒桑麻閑話喧眠榻蘭菊清光滿坐屏自慰  
素心憑何事陽春風景已三經

蓮城集卷二

春耕於得雨後殊覺可喜

春來晴雨總宜人鳥語花香色色新衙吏消閑眠永晝村  
農勤力起清晨先勞聊取酬天意富庶方堪愜我心一片  
情懷惟望歲不分畛域視夷民

濯錦軒偶成

小軒虛靜面方池竹几藤牀午夢宜斜逗草紋披石砌曲  
牽花蔓絡筠籬曾無一鶴清騶從偏有羣蛙鬧鼓吹細雨  
輕風香篆滿箇中春意自心知

中元祀先有作

恰逢春露又秋霜萬里邊城此瓣香備物俎樽陳陳異味遇

時冠服拜他鄉。祖言留耳傳清白。母教關心勵顯揚。未識  
一麾來作守。箕裘能否續甘棠。

贈府訓導黃再溟

蕭閑莫笑教官庭。芹藻池塘苜蓿町。造士古尊鄉祭酒。設  
師今擢邑明經。晚榮一命彰儒素。老健百年驗德馨。曾是  
寒毡難坐戀。廣文書帶草青青。

送黃再溟致仕

縮綬廣原歲兩更。司庠欣得老書生。坐來貌古心尤古。談  
去軀羸腹不羸。昔猶清風甘菽水。縹緲眞味薄簪纓。引年  
莫挽歸來賦。一餞蒲輪無限情。

蓮城集卷二

五

壽河陽選貢王朝望七十

父子俱真成均子  
郡廣文爲其姻戚

錦玉溪山正釀春。德門眉壽古稀辰。燕京槐市榮喬梓。滇  
國蘭階富鳳麟。羣養耆英傳世澤。須欣儒素葆天真。南鄰  
悵我艱謀面。僅傍朱陳問雅輪。

答學博張

廣文官趣別仍一讀書。人才富雲生筆望。隆雨墊巾自妖  
偏耐冷。同樂定安貧。試作鳴琴想。清動味亦均。

其日得雨較往日更爲霑霈作詩紀之

開筵詩未就好。雨到簷巡快矣。田禾欣然席上珍。南風  
薰過北。夏日樂生春。只此時光便豐年。可問津。

寡欲從知着力難閒居孰與挽狂瀾淡心甘逐經營瘁靜  
耳偏耽唱舞歡逝矣時荒追已晚茫然功墜整逾殘而今  
不復留藤葛漸次春深滴翠巒

閒吟

看去空明解去圓悠然何處覓薪傳塵沙滿拂因緣碎糟  
粕徒留色相纏却有滄桑追歲月豈無星漢別山川變遷  
瞬息風雲異泛我虛舟自在天

閱全漢志見有前明廣南守番禺王公道廣廉靜不  
擾民夷愛戴及索之名宦祠中闕如也司祀者幾不

蓮城集卷二

去

知爲何許人則前人之是非可知矣爰據志載亟復  
其祀禮成一律記其事

春秋俎豆重循良那許年湮報禮亡木主新題原爵姓體  
筵重揭舊旂常不教遺愛埋荒徼好取前芳滌瘴鄉咫尺  
典型趨步切瓣香今日得龔黃

嘉平月銓部檄至知授署廣南郡議上報可得詩一

不律

捧檄休言得意深曠官端出愛官心民生疾苦艱調劑夷  
性荒頑費縱掄清白家傳緣世澤辛勤日計問分陰君  
恩報稱非容易羞對閑庭鶴與琴

夏末勞農日得題授信

正擬勞農往綠郊忽來衙鼓向晨敲  
簾前帶露紅薇爛欄外翻風紫竹苞  
郡幕傳看抄牒下驛亭飛捧薦章交  
警心製錦諷盲左好仗清勤試解嘲

題授信到值是日勞農口占

今稱真郡將對爾老鄉農炎夏仍多  
耨爽秋好細春須知防凍餓還自戒  
疎慵報我無他事力田比戶封

霜降前一日營僚邀赴演武廳宴射

九秋瞭甲得霜時坐見旗門日影移  
刺史彎弓堪賈勇書生投筆詎關疑  
縱談意氣閑刁斗歸詠風流慕撥離  
酌酒

蓮城集卷二

十七

虎幃稱僮事郡人留取話邊陲

郡署與石泉先生談及省會事皆石泉  
自省旋目覩者故云

三旬分袂日無多別後離思儘盪摩  
知味只攀籬菊澹耽音難問爨梧和  
相逢聒耳滄桑事自慰關心縞紵歌歸矣  
黃雲堆馬足籃輿抵掌應如何

南池芙蓉有開

曉來散步小池邊照水芳叢別樣鮮  
零露滿擎嬌欲泣淺霞斜暈絕無言  
堪憐薄命臨秋鏡却喜多情展暮奩

花俱傍晚

開爛熳西川城上錦題詩應擘浣花箋



莽匪跳梁土官儂毓榮請督兵往勦書付數語狀其  
行色

滇南兵火甚堪憐待爾請纓萬里天  
劫滿櫓槍收有日功  
成烽燧息無烟驅戰骨枯關  
帝意好生心盛屬仙緣一  
行書劍推能手共羨風流奏凱還

荅夢樓大弟

名文治  
丹徒人

回首鳴鸚已卅年薰風長晝各吟蟬  
青衫遲我金台客白  
馬榮君玉署仙故識縈心憐雨雪  
舊游離眼悵雲烟重逢  
應憶三生石不爲談天細煮泉

送友赴會城

蓮城集卷二

六

四月機緣指日來行裝速整莫徘徊  
彌臺有待虛前席一  
見傾心不用媒

元旦

紅雲垂拂到蠻疆舞蹈靈壇肉骨香  
溫語從容叨誘掖  
清儀肅穆預賡揚佩來籙印榮千界  
換得官階上九閭  
夙世何修遭曠典感恩心共報恩長

秋暮春卽事

瞬息清明遠流光似指彈快心肥綠  
徧刮目瘦紅殘趁雨  
忙栽竹臨風靜理蘭一椽  
酣坐嘯摺枕把書看

聞驢鳴

短燭秋窗午夜餘何來長嘯一聲驢關心燕市頻聆聒  
耳滇衙怡枕書灞水清思成詠處廬山好爵得封初緋衣  
入夢阿語是霜月新衙野渡虛

憶昔有感

馮唐兩拜十年郎白簡班聯遷弗良曾未捷途闌磴級幾

經迷渡得津梁

余登仕版二十九年於遷調循常格而奉職無狀屢有邀免諱責之事

饒渥烟霞氣

比年來典守此地連崗疊嶂所有者烟霞耳

心夢還依日月光

京

歷久夢寐中猶人舊署治事云

作郡嘲成瘴語客筆頭銷盡有臺霜

晚雨燈下

向暮深雲密作堆篝燈移視礪松煤經心文牘徐爲判觸

蓮城集卷二

手詩箋漫自裁鳴瓦初聞驚硬語碾車微聽喜輕雷清明

纔到田須水來日春農半笑頤

秦岩偕來素悶事竣奉贈

捧輿見我崇山去泛舫聞君小澗來孤掌毋愁浮議奪片

言從看倒瀾廻瘴烟曉淨蓮花幕霧雨春生竹葉盃剪燭

茅廬揮檄草經營際淡屬鴻裁

邕僧悟始來蓮募建大士菴堂書此與之

蓮花城裏住經年誰與拈花共語禪怡喜南邕投遠錫頓

教東魯獲新筌構成自在壯巖地得識如來般若天瘴癘

未消頻致囑柳瓶甘露一枝鮮

甲申夏未始得透雨作以自咎

急切農民望雨心那堪六月慶甘霖探得繡壤田多隙看  
去芳林樹少陰晚稻已嗟成熟減早蕎漫喜植培深省青  
空有焦勞意何似薰絃解愠琴

致誠禱雨兩經旬日夕何時釋卧薪求水龍湫空僕僕拜  
香驚寺自頻頻技窮束手勞巫祝事急捫心問鬼神劣守  
德涼之昭格雲霓望處累吾民

連朝溽雨布田疇差免鄉農赤地憂滿畦漣漪飛鷺集接  
隴激澁叫蛙稠黃雲此際欣先釀白日經天看欲流吟興  
初來難擱筆挑燈閉賦紀無愁

蓮城集卷二

三

擬送吳念馨旋浙二律

歲餘連郡結心交萬里天涯此繫匏數政鄙才叨彌正談  
詩薄殖就推敲暮雲春樹離襟染曉月殘星去楫拋歸卜  
牛眠佳兆得淚痕慈竹已生苞

詩文辯論晰秋毫言中如從癢背搔薇紫供薪曾剝荔菊

黃醞熟未持螯

入九月爲  
覺罍不得

專鱸思動歸程迫針芥緣迎試

興豪兩度秋風香馥烈浙潮擁虎占金螯

仲秋

團圓十度廣南月恰值良辰喜歲成白露宵涼三五候黃  
雲秋老萬千繁玉垣淨繫蟾光滿珠殿香翻桂影清天末

方游空子舍故鄉何減倚閭情

甲申春正途次江邊喜彌勒紳士有興建石橋之舉  
偶成一律書以與之

欣然繫馬傍江邊指日飛虹跨碧烟鐵鎖奚煩高處挂木  
梁何耐久來傳春風經始桃花賦秋水吟終瓠葉篇我待  
題橋非使節聊從鳧匠助金錢

恭祝清逸真人一律

髻年讀爛清平句不意滇南侍几筵太白烟波撈月舫少  
陵雲樹浣花箋買絲雅欲摩詩聖沾釀何堪酌酒仙塵世  
師資艱一字瓣香偏我遇青蓮

蓮城集卷二

五

白馬廟銅鼓舊說諸葛武侯征蠻製用

易地重看意覺欣革名金質武侯軍錯參鐘鼎峯蠻色斷  
續尊彝鳥獸紋漫說監書垂柱石還從刁斗想風雲指彈  
回憶鄰童日酷愛摩挲到夕暉

自勵

白雲曹署十年郎典郡滇雲是癘鄉俗慣揶揄民似鼠政  
崇鈞距吏如狼未懷問舍求田意稍雜量晴課雨腸水僻  
山荒三載往空船明月是歸裝

慶雲先生自開化來一律博粲

崖手欣然渴念愁四旬應抵幾三秋感君旅策甘勞役慰

我朋簪結盛游詞瑟定徵蘭夢得振衣惟覺桂香留數杯  
如水那郎酒知否塵消錦帶鈎

失題

玄遠初因古妙香聚來披拂此巖疆峯高寶月圓明處共  
識蓮塵作異光

繽紛萬里好雲天止水分觀亦悵然那得泛槎波萬頃忘  
形同笑樂無邊

部民爭壤判歸本主

八更晨夕玩烟霞竹牖茅簷日放衙堪憫愚氓迷舊壤那  
容通賊作新家整冠漫叩誰裁李納履還食自種瓜鵲得

蓮城集卷二

原巢鳩遠去春耕秋獲永無譁

三

手握丹青一紙圖不妨依樣問葫蘆縱歸喜有原雞犬較  
獵甯無舊兔狐舌戰力時消影射心籌深處杜椰揄遞番  
勒馬蘆烟裏涇渭分明孰向隅

檢舊作有感

僥倖滇南此宦游稱心萍水聚清流光天月朗疑無夜香  
國花深喜有秋放眼高寒多雪徑置身幽遠是雲樓當年  
時句何心得已自神飛海外洲

秋望

只道廣源殊節候一般紅葉點階除目迷籬菊花開後心

豔盆蘭箭發初蹴履有聲承露□拂簾無字報霜書堪誇  
老杏渲奇色早傍秋林換紫裾

校武生射

射地無爭揖讓存詎容游手廁鬻門雉冠須列圍橋羸雁  
綬還忘憑軼尊好教彎弓尋矩矱更從懸鵠示籬藩二三  
有志鷹揚士知否由基背是猿

數到金烏乍掩明盈庭伐鼓作雷聲陰翳曉月疑麟闕光  
湛朝陽快鳳鳴

廣南詠雪

氣暖炎方雨澤難那來霏雪綠郊閑曉前院樹冰霜洒午

蓮城集卷二

三

後城山粉黛盤怪俗犬聲聞海側吟詩驢背灞橋灣衙齋  
無事茶烟起試煮龍團自掩關

扶乩偶作

傳來丹語兩長春美兆良緣妙絕倫一旦探珠談道客八  
年懷璞勵行人經書治事惟追古刑政推心只問真有友  
金蘭勤訂正幾經洗伐得無塵

寫懷

年華半百已蹉跎彈指流光付擲梭薊樹春雲存舊憇滇  
山秋瘴憶新過聊從開卷觀如是誰解持籌換奈何晚節  
天涯知己訂須拚貧相笑阿婆

虛舟

一葉悠悠太液初無心行住喜容與乘風破浪雄何在邀  
月憑波靜自如雁陣鷗盟誰記憶楓灣蘆港漫踟躇任他  
舟壑消磨盡好步桑田識化餘

送陳慶雲暫歸開化

去冬榻設傍梅開轉瞬芙蓉照水催應手雕弓雄射圃醉  
心花鼓戀歌臺刀環亟赴閨人夢鞭影還須廐馬陪爲語  
招提雙桂樹收香莫教久徘徊

悟言

丹亦匪私遍眾生眾生堪度入仙程心空不住先天得身

蓮城集卷二

五

妙無來大地明猿馬因觀泯所觸虎龍憑忍絕無驚真修  
渾似金鋼結彼岸登時到玉京

原來率性是丹頭中節成和百自由龍虎那須強想像龜  
蛇何用苦探求聚三參化無爲日攢五通神有得秋一物  
此中終不着天長地久儘悠悠

